

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

1. **KNI Pilersuisup Tasiilap nunaqarfiini kipiluttunartumik ingerlatsinera Naalackersuisuniit qisuariarfigineqarniarnerluni?**
2. **Pisiniarfiit nioqqutissanik inuussutissartalinnik tikisitsisarneri amigartunik tikisitsisaqattaarneri pissusissamisoortutut Naalackersuisut isigivaat?**
3. **Tasiilami nunaqarfinnilu taamaattussaannartut ingerlasoqarnissaa Naalackersuisut isigivaat?**
4. **Allannguisoqartariaqalinnginnerpa tamakkua pillugit? Naalackersuisut qanoq pilersaaruteqarpat?**
5. **Pisiassat inuussutissartallit pisariaqartinneqartut amigartunik tikisitsisarneq Naalackersuisuniit akuerineqaanassava?**
6. **Naalackersuisut Tasiilami nunaqarfinilu sipaarniartunukua?**
 - a. **Sipaarniartoqanngippat sooruna taamak kipiluttunartigisumik ingerlatsisoqarpa?**
7. **Naalackersuisut isumaqarpat KNI Sisimiuni qullersaqarfianiit suliassat naammaginatut suliarineqarsimanersut?**
 - a. **Sulisunik allanik taarsiinerit pisariaqalissappat?**
 - b. **Tunumiunukua Naalackersuisuniit soqutaannginnerusut?**
 - c. **Sooruna sullissineq taama kipiluttunartigusoq?**
8. **Tasiilaminunaqarfinilu KNI-mi sulisut kiap akisussaaffigai?**
 - a. **Naalackersuisunit susoqarnianngippat Ombudsmandimut saaffiginnissuteqartariaqassava?**

(Inatsisartunut ilaasortaq Gerth Mikaelson, Naleraq)

Tunngavilersuutit:

Sivitsortumik Tasiilami nunaqarfinilu pisiassat inuussutissartallit ikinaarneqarlutik tikisinneqartarput. Ima ajortigaaq nunaqarfiit anginersaat Kuummiut, inuussutissartalinnik ikippallaartunik tikisitsisarneq KNI-p pisiniarfiutaani ilioraaviit arlallit imaqqat innuttaasut nalunaartarput.

Innuttaasut naatitat tikikkaangata siulliuniullutik pisiniartalersimapput erngerlutillu pisiassat nunguttalerlugit, pissakinnerit nungussaasarlutik. Pissutsit tamakku atuuttut innuttaasunut naammaginarunnaaqapput. Pisuujuunerit pisiniartalersimapput annertuukkarlugit, allaat



pisiassat mamarineqarnerit naatitallu nunguttuinnanngorlutik, nunguussaanginnissaq umiarsuaaqqap Island-imiit tikinnissaanut peqqumaateqartariaqartalerneq pissutigalugu pisiassat nunguttalersimapput.

Pissutsit tamakkua pissakittunut assut kipiluttunartutut

anngussuuneqaqattaarput. Pissutsit tamakkua naammaginarunnaaqqapput.

Allannguisoqartariaqalerpoq. Inuttut nalilittut isigineqarusupput aamma. Kaattarlutillu misigissuseqarput. Allatuulli inuupput. Inuussutissat pisariaqartinneqartut naammattunik tikisinneqartariaqalerput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.